



Broj: 07-06-20-13651-12/23
Sarajevo, 30.05.2023. godine

SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
-ovdje-

PREDMET: Odgovor na zastupničku inicijativu

Zastupnica Vildana Bešlija na Sedmoj radnoj sjednici Skupštine Kantona Sarajevo, održanoj dana 19.04.2023. godine, u okviru tačke Dnevnog reda "Poslanička/zastupnička pitanja, inicijative i odgovori", uputila je zastupničku inicijativu koja glasi:

*„Poštovani, na osnovu člana 213. Poslovnika Skupštine Kantona Sarajevo („Službene novine Kantona Sarajevo”, broj 41/12 – Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22), a na osnovu komunikacije sa udruženjima „Prijatelji životinja” i „Indy šapice”, gore navedenom ministarstvu i javnom preduzeću upućujem inicijativu za **obezbjedivanje finansijskih i tehničkih uslova za uvođenje programa liječenja uličnih životinja.**”*

Odgovor Ministarstva privrede glasi:

Ministarstvo privrede Kantona Sarajevo je u 2022. godini, finansijski podržalo Projekat „Osnivanje službe urgentne intervencije za povrijeđene životinje” za KJP „Veterinarska stanica“ d.o.o. Sarajevo, u iznosu od 250.000,00 KM, s tim da će se ovaj projekat realizovati u 2023. godini. Ovaj projekat je upravo podržan iz razloga što će se stvoriti tehnički uslovi za provođenje potrebnih mjera veterinarsko zdravstvene zaštite pasa i mačaka lualica kao i drugih napuštenih i/ili izgubljenih životinja.

Pored toga Ministarstvo privrede Kantona Sarajevo je u 2022. godini realizovalo projekat „Podmirenje troškova sterilizacije/kastracije, veterinarsko zdravstvene zaštite pasa i mačaka (vakcinacija, dehelmintizacija i identifikacija) u skladu sa članom 124. tačka 2. i 3. Zakona o veterinarstvu FBiH”.

Isti projekat će se nastaviti i u 2023. godini gdje će se pored mjera sterilizacije/kastracije pasa i mačaka, provoditi i mjere zdravstvene zaštite pasa i mačaka (vakcinacija, dehelmintizacija i identifikacija) s tim da će se u 2023. godini mjere provoditi samo nad psima i mačkama lualicama.



Programom utroška sredstava prikupljenih od naknada za obavljene veterinarsko zdravstvene preglede i kontrolu, namjenjenih za provođenje mjera zdravstvene zaštite životinja i sigurnosti hrane na području Kantona Sarajevo za 2023. godinu, obezbjeđena su finansijska sredstva u iznosu od 160.000,00 KM, za realizaciju projekta „Podmirenje troškova sterilizacije/kastracije, veterinarsko zdravstvene zaštite pasa i mačaka (vakcinacija, dehelmintizacija i identifikacija) u skladu sa članom 124. tačka 2. i 3. Zakona o veterinarstvu FBiH”.

Implementacijom ovih projekata doći će do stabilizacije i postepenog rješavanja problema pasa i mačaka luralica, s tim da je neophodno aktivno učešće svih nadležnih institucija.



Dostaviti:

1. Naslovu,
2. Predsjedavajućem Skupštine Kantona Sarajevo,
3. Vladi Kantona Sarajevo,
4. Evidenciji,
5. a/a.



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-122, Fax: + 387 (0) 33 562-226
Web: <http://mp.ks.gov.ba>, E-mail: mp@mp.ks.gov.ba

2/2